



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Concordia. Pia Et Vnanimi Consensv repetita Confessio
fidei & doctrinæ Electorvm, Principvm Et Ordinvm Imperii,
atq[ue] eorundem Theologorum, qui Augustanam
Confessionem amplectuntur**

Lipsiæ, 1606

Quod fides in Christum justificet.

urn:nbn:de:hbz:466:1-35443

Quòd fides in Christum justificet.

Primùm, ne quis putet nos de ociosa notitia historiæ loqui, dicendū est, quomodo contingat fides. Postea ostendemus, & quòd iustificet, & quomodo hoc intelligi debeat, & diluemus ea, quæ aduersarij obijcunt. Christus Lucæ vltimo iubet prædicare pœnitentiā in nomine suo, & remissionem peccatorum. Euangelium enim arguit omnes homines, quòd sint sub peccato, quòd omnes sint rei æternæ iræ ac mortis, & offert propter Christum remissionem peccatorum, & iustificationem, quæ fide accipitur. Prædicatio pœnitentiarum, quæ arguit nos, perterrefacit consciëtias veris & ferijs terroribus. In his corda rursus debet concipere consolationem. Id sit, si credant promissioni Christi, quòd propter ipsum habeamus remissionem peccatorū. Hæc fides in illis pauoribus erigens & consolans accipit remissionem peccatorū, iustificat & vivificat. Nam illa consolatio est noua & spiritualis vita. Hæc plana & perspicua sunt, & à pijs intelligi possunt, & habent Ecclesiæ testimonia. Aduersarij nusquam possunt dicere, quomodo detur Spiritus sanctus. Fingunt sacramenta conferre Spiritum sanctum ex opere operato, sine bono motu accipientis, quasi verò otiosa res sit donatio Spiritus sancti.

Cùm autem de tali fide loquamur, quæ non est otiosa cogitatio, sed quæ à morte liberat, & nouam vitam in cordibus parit, & est opus Spiritus sancti, non stat cum peccato mortali, sed tantisper, dum adest, bonos fructus parit, ut postea dicemus. Quid potest dici de conversione impij, seu de modo regenerationis, simplius & clarius? Proferant vnū commentariū in sententijs, ex tāto scriptorū agmine, qui de modo regenerationis dixerit. Cū loquantur de habitu dilectionis,

tingunt eum homines per opera mereri, non docent per verbum accipi, sicut & hoc tempore Anabaptisti docent. At cum Deo non potest agi, Deus non potest apprehendi, nisi per verbum. Ideo iustificatio sit per verbum, sicut Paulus inquit: Euangelium est potentia Dei ad salutem omnium credenti. Item: Fides est auditu. Et vel hinc argumentum sumi potest, quod fides iustificet, quia si tantum sit iustificatio per verbum & verbum tantum fide apprehenditur, sequitur quod fides iustificet, sed sunt aliae maiores rationes. Hec diximus hactenus, ut modum regenerationis ostenderemus & ut intelligi posset, qualis sit fides, de qua loquimur.

Nunc ostendemus, quod fides iustificet. Vbi primùm hoc monendi sunt lectores, quod sicut necesse est hanc sententiā tueri, quod Christus sit mediator, necesse sit defendere, quod fides iustificet. Quomodo enim erit Christus mediator, si in iustificatione, non utimur eo mediatore: si non sentimus, quod propter ipsum iusti reputemus? Id autem est credere, confidere in meritis Christi, quod propter ipsum certò velit nobis Deus placatus esse. Item sicut oportet defendere, quod præter legem, necessaria sit promissio Christi, necesse est defendere, quod fides iustificet. Lex enim non potest fieri, nisi prius accepto Spiritu sancto. Necesse est igitur defendere, quod promissio Christi necessaria sit. At haec non potest accipi nisi fide. Itaque qui negant fidem iustificare, nihil nisi legem abolito Euangelio, & abolito Christo docent.

Sed nonnulli fortassis, cum dicunt, quod fides iustificet, intelligunt de principio, quod fides sit initium iustificationis, seu præparatio ad iustificationem, ut non sit ipsa fides, illud quo accepti sumus Deo, sed opera quæ sequuntur. Et lominant fidem ideo valde laudari, quia sit principium. Magna enim vis est principii, ut vulgo dicunt, ἀεχὴ θμίου παντὸς, ut si quis

dicat, quod Grammatica efficiat omniū artium doctores, quia præparet ad alias artes, etiam si sua quenq; ars verè artificem efficit. Nō sic de fide sentimus, sed hoc defendimus, quod propriè ac verè ipsa fide propter Christum iusti reputemur, seu accepti Deo simus. Et quia iustificari significat ex iniustis iustos effici, seu regenerari, significat & iustos pronunciari seu reputari. Vt q; enim modo loquitur scriptura, ideo primū volumus hoc ostēdere, quod sola fides ex iniusto iustū efficiat, hoc est, accipiat remissionem peccatorum.

Offendit quosdam particula, sola, cùm & Paulus dicat: Arbitramur hominem iustificari fide, non ex operibus. Ita, Ephesios 2. Dei donum est, non ex vobis, neq; ex operibus, ne quis glorietur. Item Rom. 3. Gratis iustificati. Si displicet exclusua, sola, tollant etiam ex Paulo, illas exclusuas, gratis, non ex operibus, donum est, &c. Nam hæ quoq; sunt Exclusuæ. Excludimus autem opinionem meriti. Non excludimus verbum aut sacramenta, ut calumniantur aduersarii. Diximus enim suprà fidem ex verbo concipi. Ac multò maximè ornamus ministerium verbi. Dilectio etiam & opera sequi fidem debent, quare non sic excluduntur, ne sequantur, sed fiducia meriti dilectionis aut operum in iustificatione excluditur. Idq; perspicuè ostendemus.

Quod remissionem peccatorum sola fide in Christum consequamur.

Fateri etiam aduersarios exitimamus, quod in iustificatione primū necessaria sit remissio peccatorum. Omnes enim sub peccato sumus. Quare sic argumentamur:

Consequi remissionem peccatorum, est iustificari, iuxta illud: Beati quorum remissæ sunt iniquitates.